



南湫詩稿第三集

上

Kitasato Memorial Medical Library




南湫詩稿第三集

黃鈇蒼  
上卷

Kitasato Memorial Medical Library

F  
子-108







421

明 蘇方正清志

家藏書 民國廿五年在真田山房 增月時花

490.289  
0g  
No. 368



富士川文庫  
451

家嚴拙齋。夙避世塵在真田山邸。嘯月吟花。  
優遊自適。以樂老焉。昨冬病沒。數月之後探  
筐底得遺稿。繙之有馬繁昌記其他詩文若干篇  
也。然有首尾未終稿。因囑藤澤南岳荒木鳳岡  
二氏。補足刪修篇次漸成。題曰南湫詩稿。因  
附削刷頒生前同好之諸士云。

明治壬子年三月下泮

男 緒方正清志



序

同字香

嗚呼南湫先生逝矣齡垂八十賦詩  
閒暢以養以樂將刻此集何圖此集乃  
為遺稿乎望問救人之惠不可復得也音  
容溫雅不可復見也唯志氣可以窺耶戒  
人諷時之語亦可以誦耶乃逝猶不逝耳

夫刀圭餘事用力于詞藝者徃々有之而  
善之如先生則鮮矣蓋其常言曰詩情  
語也吾亦盡吾情耳余謂非蘊于性厚  
于情則不能先生處事接人允敦允厚唯  
此二字以了一生詩為集者三亦此二字以  
貫之動人物感鬼神實在此也昔者孫思

邈厚於情蘊於性其所著福壽論曰聖人能其  
道而不為也賢人知其禍而不欺也達人斷其  
命而不求也信人保其信而靜守也可謂善品  
人性哉聖賢達信各有性情能慎自保  
所以承福壽自省以怒所以動人也雖曰  
情語動人非厚而蘊則不能爾先生身得



福壽令嗣繼志此列乃成思邈之語愈  
 驗矣獨憂近來世風澆薄不能悟此  
 旨醫林亦或不能發此花只願世人  
 讀此集而已矣

明治壬子夏月 南岳藤澤恆撰

男元謹書



南湫詩稿第三集上卷

緒方羽子儀著

男緒方小相山編

甲辰新年作二首

洪鈞轉軸入新正。春物熙熙滿帝京。尊俎折衝和萬  
 國。山河警備肅千營。鳳鸞呈瑞封人祝。日月麗天元  
 首明。憶昨播陽閱兵典。皇威電赫震寰瀛。  
 例向東天拜帝宸。旭光高與頌聲新。野梅官柳魂  
 齊返。稚子老妻情可親。民服三千餘歲澤。壽迎七十  
 一回春。舉觴藍尾椒花酒。醉裡襟懷是貴人。

小野湖山曰稔秀清新每歲  
 無一複事何等才藻  
 小野正弘曰頌讚得體雍容  
 肅雅見祥雲瑞鶴掩逸筆端  
 藤澤南岳曰最切于自己敬  
 服敬服



恭賦巖上松

神州靈秀地。巍立一仙巖。上有長松樹。瑞雲千古銜。

早春口占

也對梅花酒半酣。人生知分菜根甘。踈慵難免詩爲債。結習未除兵是談。夢裡家山青歷歷。愁邊鬢髮白毵毵。朔雲休說連邊境。自有春風滿海南。

學步菴雅集主翁詩先成次韻以呈

携家千里卜居來。先對寒香屋角梅。小小窻因迎月設。三三徑爲種花開。楊城歸夢青山遠。禹域遊蹤白髮催。詩酒欽君多樂事。滿堂和氣占春魁。

近藤南州曰第三句如爲僕設者  
南岳曰佳辭佳辭  
清原帆山曰何等佳聯何等新奇

南岳曰適切

藤澤黃鶴曰剴切穩當後聯最妙

谷如意翁近製紙帳爲禦冬具而四面畫牡丹  
翁有詩次韻寄呈  
禦冬具在小房中。取暖豈唯爐火紅。即是先生閑富貴。牡丹帳裡坐春風。

偶成

同雲漠漠蔽高穹。舉目山河氣象雄。志士空歎鞅掌際。英雄欲老折衝中。十年貔虎生肉。萬里鯨鯢起風。想見周郎燒賊日。樓船一炬策奇功。

摘菜

數寸霜苗綠滿園。一筐摘去到黃昏。誰知味外多甘

南岳曰奇想

黃鶴曰時局遷延實使英雄老折衝中痛恨痛恨

岡本撫山曰周郎燒賊果在何日一日千秋

南州曰警報交到使人毛髮爲躍這首七八蓋爲之佳兆者耶



南岳曰吾兄真味

味。七十年來咬此根。

春初村况分韻得青

邊疆傳警報。誰是不談兵。租稅無催吏。鄉閭有點丁。  
寒梅一枝白。嫩麥萬畦青。內顧沒憂患。征夫心自寧。

聞海軍戰捷紀喜

兩國開釁自彼始。千歲一遇此時是。含垢忍耻三十年。彼罪可聲可攻耳。大詔未下九重天。百萬貔貅已蹶起。忽傳仁川破水軍。又報旅順奏奇勳。敵艦擊沉定幾隻。轉瞬之間輸贏分。開戰第一得大捷。如許快事古未聞。君不見神兵一當百。况復齊霑挾纊澤。

帆山曰起手極得體足仰見  
天皇仁聖敬服

岡本撫山曰壯絕快絕

近藤石顛曰快快甚甚讀去  
浮一太白

我皇赫怒在膺懲。一步肯借盾狼國。手提捷書唱萬歲。東向先捧一太白。

大從軍行

軀雖然小膽如斗。日本男兒力拔山。不斬極東新太守。此行誰敢計生還。  
十年嘗膽劍空磨。雪捲寒風渤海波。醉發浩歌君且起。古來征戰建勳多。

欣欣園八勝

菅廟松風

松樹圍菅廟。高標碧拂天。清風吹不斷。穆穆一千年。

岡田松憲曰八詠中白眉  
南州曰佳

土師晚鐘

西嶺銜殘照。踈鐘數杵傳。一聲聲渡水。戶戶起炊煙。

青溪曉靄

山尖放曙光。漁唱下寒瀨。咫尺不看人。一溪橫翠靄。

玉手霜楓

一夜迎青女。楓林忽霜醉。磬音何處邊。紅葉藏蕭寺。

惠我桃花

鷄犬聞林外。不知何代民。桃花溪水暖。髣髴武陵春。

孖峯秋月

西風秋正中。夜色尤清越。雁外孖峯高。双尖抱孤月。

南州曰又佳

帆山曰三四新奇

石川驟雨

一天雲潑墨。驟雨自西來。新漲石川激。水聲如怒雷。

葛城晴雪

無復片雲遮。葛城山麗絕。夕陽鴉背紅。映射孤峯雪。

谷朝軒寄詩索和次韻却呈朝軒壘寄登嶽記及附詩故及

平素豈唯文墨親。一門登嶽見情真。名山恰是迎名

士。美景全然屬美人。杜少陵詩句驚世。柳河東記筆

傳神。知君自有仙緣在。虎豹雖獐不敢嗔。黃庚記夢詩有虎豹獐不

噴知余有仙緣句

春宵散步

課題須磨客中作



南岳曰一篇共瀟酒不墜奇巧吾兄擅揚之美

田部首圖曰其人敏捷筆亦敏警  
撫山曰戰捷詩僕忝一讀蓋近日吾兄得意作宜其先示也

夕陽紅沒笛聲殘。一笑出門心自寬。月照梨花枝上雪。春風吹面不知寒。

吟袂不寒春浦風。夜來散策到橋東。松青沙白波頭月。一路行人卷畫中。

逢故人  
別後幾年勞夢思。遠來尤喜舊相知。未交一語平生事。先示皇軍戰捷詩。

須磨寓樓口占  
雲暖須磨浦上天。幽棲此處隔塵緣。豈唯詩本江山美。且喜膳羞魚介鮮。鐘杵聲傳春寺雨。布帆影隱暮

洲煙。撫今懷古感無極。又把殘杯付醉眠。

川中島懷古  
想見刀光扇影橫。空留甲越兩雄名。于今二水急流激。髣髴猶爲叱咤聲。

須磨雜詩  
寓樓近接古時關。睡越朝朝春意閑。一叫水禽何處是。曉煙深鎖淡洲山。

一路青松接白沙。夕陽汀外起漁歌。春波漾漾舟如織。東去西來帆影多。

笛裡落花吹酒旗。路傍芳草夕陽遲。後人誤喚王孫

帆山日用典無痕

南秋詩高第集上卷

墓元是平家薦福碑。敦盛古墳在須磨西三町許蓋北條貞時為平家一門冥福所建後世誤傳為

敦盛墓云

古寺春風連日晴也無人不問花行新公園闢荒丘

地高處種梅低處櫻

十里白沙方夕暉松閒隱約布帆飛遊人欲購鮮鱗

去立看漁舟截浪歸

清閑好與白鷗親雲影濤聲不著塵日日逢迎多熟

面海莊半是浪華人

居非孟母亦三遷此處最欣詩夢圓消日手談多老

伴比隣人是橋中仙

南岳曰好絕句

黃鶴曰山海絕塵之鄉與舊知相徵逐其樂何如健羨健羨

撫山曰首首切于須磨移他處不得

苦園曰實情實景不假粉飾詩家趣味却在此裡

日章高揭國旗新萬點紅燈照海濱士女雲來呼萬歲一條鐵路送征人

太田道灌借簑圖

繫馬田家短竹籬獵歸逢雨借簑時可憐少女可憐

意捧出棣棠花一枝

春盡

根觸依依纏且綿東皇一去又今年人因多病偏催

老蝶逐殘香轉欲顛來燕歸鴻春在夢落花飛絮雨

如煙世間何恨悲歡事付與空濛劫後天

永富撫松寄七律二首次韵却寄

石橋雲來曰研精去粗無美不臻

黃鶴曰輕妙



南岳曰閑境界天子自道也  
健羨健羨

此地期君載酒過。歡迎展紙墨將磨。詩書双絕寄情  
切。雲樹多年勞夢多。夜月掛川閑境界。春帆舞浦好  
煙波。高風最是堪思處。一醉陶然發浩歌。

初夏閑行 課題

岡田松憲曰佳句如拾芥

養老方存行藥閒。出門一笑對孱顏。酒杯空付三春  
夢。黎杖將消半日閑。牛迹香泥花後路。鶉聲新樹雨  
餘山。江南無限夕陽好。獨役吟魂晚未還。

撫山曰第七句命意殊深

初夏喜晴 藏路菴雅集席上分韻得鹽

雨餘新綠滴疎簾。喜看煙消晴色添。最是天王寺高  
塔。夕陽影裡露頭尖。

溪窻聽鶉 課題

睡起倚溪窻。靜中情自適。啼鶉曉過山。殘月一痕白。

聞九連城捷報有此作

鴨綠之水深千尺。兩軍相對天險隔。統軍亭 義亭在上

指顧中。敵情已歸我籌策。維時明治甲辰年。五月一

日欲明天。大江架橋瞬時就。千軍萬馬逼敵前。礮聲

轟天震城塞。堅壘鐵壁忽破碎。醜虜苦戰亦可知。肉

裂骨飛未遽退。我軍奮戰在此時。大捷乍揭日章旗。

孤城落日支無力。腥風捲地橫萬屍。前征清國後俄  
國。此地我軍有經歷。制勝原在制機先。果信一戰奏

南州曰似讀從軍記失韻語  
之妙

松憲曰轉換甚妙



松憲曰好收束全篇生色

南岳曰不似席間咄嗟之作

帆山曰寫地寫時筆致敏捷

偉績。嗚呼。鴨綠頭。九連城。赫赫戰功。一朝成。嗚呼。鴨  
 綠之水。百千里。永流威名。照青史。  
 五月念九日同南岳松堂二翁訪黃楓岳于光  
 乘精舍席上分韻得先  
 負郭平田麥秀天。禪房半日會詩仙。酒邊快話干戈  
 事。海外情交文字緣。三面青山雲。彈地。一園新樹雨  
 如烟。戍樓畫角江城暮。捷報時從薊北傳。  
 聞金州南山役我第二軍奮戰賦長句記之  
 君不聞金州南山一大戰。兩軍殺傷真無算。古來宇  
 內戰史中。如許激戰未嘗見。敵原置重在南山。防備

雲來曰隨手波折隨步換形  
 曲折變化如行軍排陣殊有  
 黃河落自天走東海之勢至  
 敘事明細則吾翁特色獨運  
 撫山曰縱橫排宕字字有聲  
 讀至肉飛骨裂一將斃矣一  
 將代等之句所謂捫之字字  
 俱起筆稜者

儼然握地權。一帶築成掩蓋堡。鍊網木柵環其前。巨  
 礮小銃多利器。更有地雷乘不意。敵軍置重非偶然。  
 攻守劃然異難易。日本男兒一片忠。知有天子忘  
 厥躬。金城鍊壁又何有。突擊欲破一舉中。維歲甲辰  
 夏五月。一夜嚴令戒士卒。三道進兵齊銜枚。曉衝雷  
 雨試奔突。俄然砲聲天地轟。地裂山崩鬼神驚。西馳  
 東逐日未升。一擊先拔金州城。金州城陷益奮激。三  
 面直逼南山敵。碎柵木兮破鍊條。踏過積屍攀峭壁。  
 突擊突擊知幾回。無數彈丸雨霰來。勇將猛卒不期  
 生。飛肉碎骨猶爭魁。一將斃矣一將代。萬卒未嘗一



步退。彈藥砲丸。消耗盡。肉薄。揮劍敵初潰。水軍應援。在此時。金州灣頭。善攻之。誰哉先登功第一。山上忽揭日章旗。日章翻時。胡角斷。凱歌聲。湧山岳。震遊軍。至此蹶然起。驅逐敗兵。遠前進。遺銃廢。留血痕。殘兵僅向旅。順奔南山。大捷已如此。旅順奉天。何足論。嗚呼萬世一系。聖天子。皇威電赫。宸四海。嗚呼忠君愛國。良臣民。遠傳武勇輝萬春。

蓮塘夜歸

一醉下樓追夜涼。路携殘話過蓮塘。蓮塘十里月明底。贏得滿身風露香。

苦園曰字字皆風露花香使人仙佛

帆山曰晚唐佳處

過山陽先生三本木舊宅有此作

學識千秋存典型。董狐直筆護王庭。當年修史人安在。三十六峯依舊青。

禪房秋夕

四面當窻幾遠巒。也逢秋夕可凭欄。心開般若門中境。身在真如月下壇。一榻茶烟禪味淡。半簾竹氣雨聲寒。閑談不及干戈事。忘了遼東景象酸。

步月

南村北落夜天晴。一笑出門吟脚輕。不覺滿身風露冷。月明多處踏蟲聲。

秋江送別 席上分韻得虞

男兒成小別。未必說區區。楊柳無人折。荻蘆有雁呼。  
秋江千里遠。暮雨一帆孤。明月去何處。望迷天北隅。

清原帆山休職將歸東有詩次韻贈別

詩酒浪華江上盟。歲星回首十回更。掛冠心與秋雲

冷。馭鶴夢同圓。月清。白髮別愁孤。客淚。青山歸臥故

人情。知君輦下多吟侶。離曲不須歌。渭城。帆山家在東京青山第六

及句故

讀谷如意翁七月三日作次韻以呈

先生齒德有誰如。三萬日原非忽諸。便腹居然經史

矢野方舟曰帆翁手神如睹

苦園曰全是原作之裏面於應和爲尤妙

筓欲知今後讀何書。

遊嚴島 課題

三景居其一。神祠世所崇。回廊仰平相。華表想毛公。  
采畫簷楣上。白帆煙雨中。我來憑吊久。柱礎晚潮通。

戲詠老年 課題

葉葉露浮鮮。且妍深紅染。出雁來天。頭童今日幼時  
態。我亦人間老少年。

寄懷藤澤少尉在遼東

父祖業傳文武真。遠征今日證前因。壯心萬里渡瀛  
海。豪氣三軍超等倫。原是城南講經士。忽成朔北枕

雲來曰思力透十分句句切于少尉其人其巧妙豈曰非化手乎



南岳曰雅健  
黃鶴曰辱惠高詠使章也有  
意氣衝天之想其所鼓舞激  
勵固可不淺少多射多射  
南岳曰油壘之戰彈丸打  
章左股愕然自顧戰袍穿矣  
而身不覺痛怪之搜探袴插  
藥子小鋪丸留在鋪中昨日  
章廣達乃報此事也感吾賢  
兄眼光如炬其言即中故副  
記之

南嶽詩稿卷二集一  
戈人期君戰記揮椽筆不獨劍光驚鬼神

一從游海捲鯨濤薊北山河景象豪對月寧無橫槊  
賦蹴霜欲試發研刀夢魂渡水黑龍近意氣衝天烏  
拉高他日武功人若問彈痕留在舊征袍

觀紅葉

夕陽影裡對林巒蕭寺賞秋秋不寒一夜倩將青女  
手丹楓織出錦千端

湖村霜曉 課題

十里湖村曙色幽蘆花楓葉不勝秋板橋月落霜如  
雪閑却漁家一釣舟

十月十七日同黃鍊賦

馬山重遇古重陽把酒談兵引興長薊北頻傳連捷  
報今年菊勝去年香

馬山秋居

十年肥遯足優游鴻爪唯誇幾處留海外風雲頻入  
夢山中桂玉不知憂一籬黃菊幽莊暮數樹丹楓古  
寺秋老懶笑吾閑結習杜門終日作詩囚  
滿山秋籟送寒氛兀座鑪香手自焚酒在平時差有  
量詩逢險韻豈無勳水聲撼枕千溪雨雁影橫空半  
嶺雲想起遠征冰雪地夜深推戶見天文

黃鶴曰清福可羨閑興可想

黃鶴曰忠厚至情不覺發露

南嶽詩稿卷二集一

次韵波多野南行移住芳山作

苔水何容長者車。高僧遺躅想當初。千秋餘韻誰能繼。有箇南行居士廬。

山本梅崖將移居於備州牛窻有留別詩次韵贈別

行藏貴自信。不復滯一隅。胸中乾坤濶。功名眼中無。文章重氣骨。何必適時需。剛毅與樸訥。千載欽聖謨。陋巷一瓢飲。回也元如愚。啓蒙敢擇地。知音繁有徒。送山本梅崖移居牛窻席上分韻得江

黃鶴曰亦是知音之語

黃鶴曰下半絕妙

昔園曰桐江二字無限情趣

雁影雲千里。波光月一釭。西風鱸膾美。不復憶吳江。移居君道住牛窻。忽向牛窻放畫艘。好作一竿風月主。牛窻今日是桐江。機山訪道鬼圖書。牛窪村莊蘿薛深。講兵恰似待知音。有人單騎微行意。亦是草廬三顧心。買水仙花冷艷水。綃淡似煙。蕭疎與我好因緣。觀來市上花千種。不買金仙買水仙。

南瀛詩稿第二集上卷



松意曰可抵撫山翁小傳

南岳曰咬唾皆珠玉鑿鑿盈盤  
松意曰其然豈其然

不哭岡本撫山  
昨日提携蓮社盟。一朝何料隔幽明。忽成白玉樓中客。空贖金蘭簿上名。官五十年麗且潔。詩三千首粹而精。平生行迹人皆服。追憶誰堪惋惜情。  
半窗歲晚書感十首  
殘冬釀雪暮雲屯。世事營々市井喧。獨有虛名愧天地。更無餘慶庇兒孫。千金不買美人笑。一顧敢忘知己恩。何處青山埋醉骨。廿年辜負舊田園。  
處世不知心計粗。眼中節物歲云徂。煙霞誰恠生來癖。放肆人容老後愚。水澗瓶花魂未死。雪晴簷竹氣

黃鶴曰絕佳

松意曰何等仙福

先蘇。堪哈懶性有良伴。一半紅爐付狸奴。  
枯木寒烟著暮鴉。窮冬風物感尤加。青雲舊夢包蕉鹿。白髮虛名畫足蛇。一榻詩思聽竹雪。半窻情話剪燈花。回頭七十年來事。初信人生末路嗟。  
夢裡功名過去緣。鬢絲禡榻伴茶烟。人閒無用憐長物。天下有為期少年。采菊撫松陶靖節。談兵愛酒杜樊川。春風拂面方非遠。好把殘生學古賢。  
鳩拙猶安小古廬。一年三度賦移居。禿顛地暖祛輕帽。老眼窻明讀細書。開潤襟懷對晴嶂。清新膳味飽霜蔬。喜他宰相山頭路。不使故人來往疎。



兵燹一開將一年。安閑誰復付酣眠。民閒事業愧人後。史上功名期馬前。十億軍資公議決。北西戰地捷書傳。休哈白髮憂時客。反覆蘇洵審敵篇。

江城日暮送悲筵。臘尾寒風雨似麻。豐後農家勤稼穡。戰時民俗戒華奢。巨鯨翻海蹤先絕。俊鶴翔天影尚斜。鄉校最欣多義舉。兒童亦解憶邦家。憶一作報

歲云暮矣憶征途。萬里馳驅水雪區。霄肝勞偏尊聖德。富強基是足皇謨。丹心憂國唐時杜。白髮論兵宋代蘇。乾坤咄咄多感慨。又繙一幅滿洲圖。

十年嘗膽未全非。將士休嘆腓肉肥。二月初頭傳戰

松憲曰愛國至情流露筆端

松憲曰忽而兒女忽而神仙忽而英雄先生詩境之濶大非輩所企及敬服

黃鶴曰豫言不空開春第一接旅順陷落之快報可謂巨眼燃犀

南岳曰二篇共琢磨之效精光射人

詔。三冬終尾熟軍機。沙河蹴雪神兵奮。旅順揚波胡角微。知奏凱歌方在近。捧將春酒祝皇威。

東海男兒鍊是肝。挫強扶弱不辭難。鷄林社稷群臣老。禹域山河萬骨寒。暴主豈全吞噬志。小邦自作附庸看。滿天殺氣年將暮。先卜開春第一歡。

乙巳新年作二首

干戈未止又春風。世運愈知從此隆。忠順民皆期報國。膺懲師屢告成功。嵩呼萬歲仰天闕。華祝三元拜鶴宮。不獨皇威輝海外。蜻洲鎮在瑞雲中。

鏡裡踈踈白髮真。七旬加二老風塵。儘除舊染躬依



松憲曰筆鋒靈活無隙可乘詞場之鹿常落君手宜哉

舊例賦新年句不新晴喜雲霞東海曉健誇鷄犬一家春漫論兵甲非吾事好作詞場逐鹿人

恭賦新年山

新板圖開旅順灣凱歌聲裡對孱顏黃金白玉又松樹總是回春第一山

虜將來

虜將來虜將來忽捲白旗為降將旅順口外來乞哀年可祝年可祝開歲第一捷書臻舉一大白歌一曲虜將期氏原英雄孤壘久陷重圍中可憐一朝為降虜不似意氣當初隆吾皇寬仁潤於海優詔使

南岳曰落想從天外來松憲曰新警可喜

雲來曰長袖善舞多錢善買松憲曰快事快詩

松憲曰抑揚開闔得古樂府

松憲曰末尾一棹全篇皆振

敵泣其恩待一從天險歸我邦宇內大勢幡然改嗚呼開歲第一捷書臻此是空前絕後春

古玉

九品由來天下四海尊千年奇寶價難論玲瓏以外明光放窈窕之中古色存玄圃春回香郁郁藍田日暖白溫溫山輝川媚照天地總是前賢咳唾痕

古鏡

十襲何為換萬金天然光潤最堪欽曾分邪正照心膽且寫忠姦鑑古今漢殿雲溫弄粧晚魏宮月出受恩深特憐靈物屬神器永護皇基代寶箴

南岳曰頸聯尤佳

南州曰得詠物體

南州曰佳聯可誦



南岳曰佳頌佳頌

首園曰三首典麗可謂得體

南州曰流麗存宜園典型

紀元節口號  
 德化烝烝布八荒。空前隆運祝吾皇。禮文從古重朝憲。威武于今仰國光。萬里江山佳氣漲。一天日月聖恩長。遠征連捷何須恠。無缺金甌是帝綱。

春日漫成用高青邱韻  
 入簾草色碧無邊。靜坐焚香思浩然。禪榻茶煙鬢絲客。小樓春雨杏花天。身安容膝三閒屋。夢落泛湖千里船。笑我七旬猶健在。城南何必買桑田。

藤澤中尉從軍遼北有霜月一聯父南岳翁索其補足爲一首諸家續成者頗多余亦效顰以

南州曰奇警

博中尉一粲  
 渾河橫朔北。咫尺是天關。野戍風如吼。穴居人却閑。飛霜壓殘壘。缺月未離山。寒角一聲警。前軍破虜還。

題釋尊圖贈再生菴主人 應囑  
 一世津梁面目真。出山佛祖證前塵。君過周甲回初志。亦是再生經濟人。

柳陰調馬  
 人立斜陽外。馬嘶長埒中。柳陰狂絮起。蹴破一鞭風。

古錢  
 古色盎然浮碧光。不知經歷幾星霜。由來無足走十



里難以虛心潛一囊。應服魯褒為論切。曾逢猗頓受  
歡長。絕交書至亦何害。廢物猶看舊孔方。本邦前年一變貨政廢孔

看雲

欲喚真龍起。呈奇又鬪豪。請看膚寸物。忽壓數峯高。

題某氏別業

三徑雲烝薜未乾。園深街市亦林巒。梨花院落春風  
白。吹到東欄雪不寒。

嵐峽晚棹六首

為避旗樓醉客譁。溯溪半日弄春華。後舟已去前舟

南岳曰活機可喜

南岳曰好絕句

近藤石顛曰自是多情人

南岳曰亦是多情人

黃鵠曰奇巧

南州曰雨作雪以是  
黃鵠曰奇巧

黃鵠曰清艷之景借流麗之  
筆花上添錦鑿然奪目

未立掉中流。看落花。  
扁舟蕩去欲斜曛。兩岸衣香和酒醺。泛泛落花渾在  
水。怕他歸棹攪紅雲。泛一作片  
賞心寄在夕陽舟。不似醉歌喧畫樓。俯仰唯看天地  
白。一川都泛落花流。  
醉盪孤舟晚更移。櫻雲深處夕陽遲。飛花片片吹無  
力。也點水心魚不知。  
夕陽低在釣魚磯。岸背停橈人未歸。一醉可無歌一  
曲。落花如雨撲吟衣。  
滿目櫻雲帶夕暉。錦囊誰不拾珠璣。落花繚亂多於

雨。一棹春風載雪歸。

古錦

傳道千年以外珍。溫存永保古光真。翠紅連理美驚世。奇巧迴文精入神。晴靄浮來吳水夕。絳霞蒸出蜀江春。挑紋變繡休勞力。吾是棄新從舊人。

元稹詩挑紋變力倍費棄

舊從新人所好

惜春二首

一瞥東皇促去轅。高樓酒醒又消魂。昨風今雨春無色。醉紫酣紅夢有痕。蝶影迷芳草路。鳥聲寂歷落花村。錦箋欲寫愁人恨。新樹陰陰晝自昏。

南州曰三四妙絕宜圖典型  
石頭曰二聯聯璧

泉石膏肓痼疾身。年年容易送青春。一樽有酒勾當客。三日無詩俗了人。啼血鶉聲新樹雨。倦飛蝶影落花塵。晚來微醉倚欄角。飽被東風吹野巾。

柳陰遊駒

遠山近水淡煙籠。十里長堤罨畫中。公子弄春何處所。馬嘶柳外一鞭風。

寄懷某將軍在遼北

兩軍相對共龍蟠。二月渾河戰未闌。想見邊營枕戈夢。滿天風雪鐵衣寒。

俄艦來

南秋詩稿第三集止卷



湖山曰大捷戰大快作操縱變化之妙可稱詞壇名將衰毫吾儕不能著一字

石顛曰純好諧謔

俄艦來。俄艦來。舳艫相。銜黑煙堆。喜望峰外幾千里。凌駕激浪何壯哉。可邀擊。可邀擊。四十餘艦是好敵。印度安南群島閒。遭遇何處奏偉績。我有絕海之鱉。鱉將士。威武如虎熊。敵將魯氏胡為者。一擊可以葬龍宮。君不見。殷鑑不遠。昭在目。苦將軍。須提督。

清原帆山歸東後無一消息詩以戲之春回與非以迷藏逃姓名沉痾或恐惱吟情誰圖黃鳥遷喬木經過九春無一鳴

西川菊畦寄示後臥龍梅印材歌索詩賦此以呈蓋印材中井敬所刻筆陣掃千軍五字者也

英雄遺愛忽歸君。君也詩才亦絕群。劍氣珠光無匹敵。果知筆陣掃千軍。

首夏即興六首

半世辛酸仔細諳。老來特覺菜蔬甘。消閒有具詩其一。受益無他友是三。水際早秧針未展。雨餘新筍籜猶含。人生難保百年壽。行酒那妨醒又酣。

強笑對人真厚顏。江湖老去守痴頑。酒勳多在憂愁外。詩夢不離泉石閒。胡蝶影迷花後路。杜鵑聲度雨餘山。未曾事事勞童僕。修竹遮窻手自刪。消閑書味有餘甘。孤坐似聽高世談。太白詩於醉時

南岳曰胸閒餘地健羨健羨松窻曰前聯尤妙

松窻曰好句欲仙



吉田恒堂曰佳句可入石湖集中  
雲來曰遠公龜得飲許獨淵明耳吾翁學淵明可羨可羨

雲來曰五六絕奇絕巧

苦園曰老來心平十字老後真樂樂地句句自此境括出來者竟是神仙境界之人

苦園曰六首風神括淡妙在自然超脫  
黃鶴曰連篇盡愉逸安適筆路清麗雅幽閑懷可想

就維摩佛在病中參半江斜日人提網後圃新蔬婢  
挈籃載酒從今可來往野蹊近接遠公龕  
醉鄉詩國別乾坤無復徵租吏叩門一任野禽窺戶  
內不妨隣筍迸籬根可人新樹花三舍嘯月高樓我  
獨尊猶有淺斟餘樂在幾場春夢未刪痕  
百年身世任人評知分老來心自平夢裡詩多忘一  
半醉邊碁暫競輸贏園栽藥草異香放盆養錦魚沉  
玉明客去對山孤坐久吟髭撚了白千莖  
午枕夢醒茶氣香入窻山色碧茫茫詩情湧似寒泉  
湧書味長於夏日長躑躅花開半園赤枇杷子熟一

枝黃欲移陶甃擡無力唯守神仙辟穀方

俄艦沉

松憲曰古來未曾有之快事寫來靈活可欽與俄艦來詩并傳不朽  
湖山曰後首與前首同一作法足見才藻富瞻然不及前首之句句自在蓋以其欲必同故耳  
南岳曰結構得法元白餘流

俄艦沉俄艦沉日本海底千尋深奮戰激鬪亘三日  
大捷如此真快心白旗颺白旗颺將傷艦破難復抗  
一擊不借神風力敵兵多向海底葬可憐將卒三千  
人投降盡作俘囚身吾皇一視同仁德優詔一  
降泣鬼神君不見偉勳赫赫照海陸乃將軍東提督  
竹亭圍碁  
欲逐爛柯迹留僧竹裡亭碁聲敲雨竹竹裡一燈青

南秋詩高第集止參



南岳曰今字顯古字

南岳曰不堪多讀

寶匣開來古色明。焦桐三尺膝前橫。憶曾天籟入松  
響。依舊春泉觸石鳴。走浪飛波季蘭意。高山流水伯  
牙情。今人亦解箇中趣。愛撫何勞絃上聲。

西京宿小川亭  
非為觀花入舊京。愛他山媚水明區。窻生微白破殘  
夢。臥聽沙禽憂憂呼。

夜過真田山  
無數埋忠骨。新墳土未乾。蕭蕭陰雨夜。鬼氣逼人寒。

古香秋月公詩碑

今茲乙巳六月西湖曾禰相公與諸同人建

碑於故侍講秋月公故居刻公遺墨七言絕

句一首以謀其不朽余步其韻以代蘋蘩  
皇謨翊贊樹勳多。文雅老來冠也峩。一片貞珉湘水  
上。千秋占斷好煙波。

石橋雲來建詩墳有詩次韻以贈  
葬詩何異祭詩奇。况又慇懃立小碑。此舉亦傳青史  
美。他時莫使碧苔滋。雲煙藏影無由捕。金石收聲誰  
拾遺。半世苦辛不須說。同情自與古人期。

移竹

移竹才三日。清風已拂埃。留僧對碁局。且喜雨聲來。

松憲曰可抵一部堺市史

堺市小西行長千利休皆出于此地而當年魚屋助右衛門以與呂宋貿易得巨萬富云句中故及  
 一萬人煙市井喧。帆檣林立抱公園。風流自古重茶事。貿易于今說貨源。紀淡海潮通上國。和河山脉走中原。憶曾藥豎為飛將。猶有後昆同姓存。  
 春錦樓雅集分韻得蕭二首  
 吟筇自有白雲招。百尺高樓接小橋。雙澗合為丁字水。滿簾山影碧搖搖。  
 三層樓角夕陽殘。新樹滿山山尚寒。長笛一聲何處所。仙妃倚盡玉欄干。  
 武田尾十二勝

瓢石碧潭土俗謂豐公瓢石蓋當時所發見者

潭底出瓢石。口碑從古傳。英雄去無跡。只見碧湛然。  
 又一作  
 沙際出青石。瓢形白歷然。深潭千尺底。恐有老龍眠。  
 北山紅葉。楓林通石徑。紅於花底秋。誰繼停車興。  
 大岩螢火。者邊螢可撲。巨石接苔磯。明滅兩三點。低低掠水飛。  
 春嶂櫻花。山中春色來。何處著遊屐。一望雪耶雲。櫻花滿峯白。

黃鶴曰換骨脫胎面目頓新



山中風窟夏水。洞窟自風生。清氣透牙齒。堅水嚼有聲。  
 溪閒不知夏。洞窟自風生。清氣透牙齒。堅水嚼有聲。  
 讓坡坡上秋。秋草在何許。樵路入松林。奇香迷處所。  
 只銀龍飛瀑。山氣逼人寒。小溪通絕壑。飛泉千丈長。有似銀龍躍。  
 嵩嶼掛飛泉。溪流清且急。香魚欲上時。與水可併汲。  
 千仞巨巖高。天風落松子。半空秋有聲。月色寒於水。

苦園曰境奇詩自奇

武湖石鷄。夢醒人未起。山翠滴吟鬚。湖戶生微白。石鷄窻下呼。  
 馬背朝暾。朝暾升馬背。一望白漫漫。秋霧罩山麓。宛為滄海看。  
 離峰霽雪。空中頃刻花。天霽不留迹。夕照在他山。鴻邊一峯白。  
 南郊雨後。黃梅節近出門稀。久嘆吟情日日非。苦雨身如作俘虜。  
 逢晴心似脫長圍。池塘水漲長軟草。村野煙消明夕暉。最是江山堪畫處。一雙鳴鶴帶雲飛。

黃鶴曰奇想天外落



苦園曰輕輕敘去自覺餘韻  
松窗曰余尤愛後聯

舟遊墨浦。半面清風。值萬錢。林為松疎華表。  
見海因波靜。布帆連。一年行樂。敢論地長。夏勝遊多。  
在船。醉後思詩人。不語。閑情付與白鷗眠。付與一作自伴

空中竹。不見。天香不曾散。山斷雲一。峯白。  
有竹人。不几。無竹人。即俗。豈可一日無。愈下數竿竹。

尤宜竹。雨瀏瀏中。揭燈古書夜。深讀。中一作得

日本海海軍大捷歌

其來何雄壯。其沒何悲愴。四十餘艦。堅如城。一朝忽。  
向海底葬。日本將軍。姓是東。神算鬼略。何精通。一擊

南岳曰雙提奇警

湖山曰余鵠以南山寫為絕  
唱今又陸續讀海戰三大作  
無能障若

南岳曰收束有力

奏功偉且大。宇內誰不欽。英風對馬海。是西南鎮。鼉  
鼉踊躍魚龍振。敵艦果入術中來。舳艫相銜。試北進。  
我軍爭先壓其前。電掣雷擊轟坤乾。奮戰半日真激  
烈。粉齏無復隻艦全。沉沒之艦無由補。敗殘之艦不  
勝數。魯氏被傷寧氏降。後先相率作俘虜。其來何雄  
壯。意氣欲吞牛。其沒何悲愴。鮮血染海流。如此大捷  
未嘗有。真是空前又絕後。日本海上水茫茫。水軍留  
名長不朽。吾皇出師豈有他。唯願東亞保平和。請  
看至仁深於海。且使降虜浴恩波。君不見東方無雙  
君子國。古來外輝武烈內文德。又不見萬世一系

南岳曰雙結得法



松憲曰轉換自在筆如轉轅一讀呼快

梅雨

南鶴曰結尾溪村實况寫出靈活

臥龍梅印材歌

應西川菊畦需

馬山連日雨孤坐惹愁長。作篆蝸涎滑。嘶泥燕羽忙。  
秧針三寸碧。梅子一枝黃。時有奚奴報。溪流沒石梁。  
臥龍梅。獨眼龍。獨眼龍。誰伊正宗。臥龍梅其所手植。  
鍾愛何讓大夫封。伊公龍嘯三陸際。梅亦曾為蟠龍  
勢。物換星移人安在。梅化印材獨存世。菊畦山人羽  
前人。由來與公邦作隣。印材忽歸山人手。狂喜自比  
連城珍。印材原名器。杜句刻五字。筆陣掃千軍。歸君

松憲曰插來英雄與詩豪翻弄一番即作此佳篇

豈無意。公是英雄君。詩豪詩名自與英名高。吟哦終  
歲答清世。一部韻書當六韜。君不見印材一顆人。今  
古永傳美名表。文武

浴溫泉

課題

半年住在馬山陞。日浴溫泉洗垢脂。笑我箇中無所  
得。煙霞痼疾未曾醫。

古墨

千年貯在豹皮囊。一笏猶存漆暈光。龍劑寫來心自  
淨。麝煤磨去手先香。陶泓居士交和久。毛穎先生親  
睦長。慙我曾無盈袖夢。終身不免惡文章。

王勃夢人遷以九子墨盈

南岳曰煙霞疾不瘳為是首圖曰心腸垢去烟霞疾愈加飲羨歎矣



袖自是文章日進

次韻圓山大迂見寄

山林只合伴猿公。老去何妨髮似蓬。半榻琴書堪寄興。一盂蔬菜可安窮。西窗燭是雨宜話。北海樽常酒不空。別後宵宵憶君夢。相逢巒影水光中。

林館避暑得韻鹽

老境消閑詩酒兼。把杯孤坐韻方拈。功名此處不通信。泉石之閒宜避炎。絕湖歸雲新水漲。他山驟雨晚涼添。浩歌打案且呼快。面面清風月滿簾。絕一作別

答人問馬山近况

洗了都門萬斛塵。樓居臨水卜仙鄰。馬山今夏多風雨。三伏猶看挾纈人。

牽牛花

滿庭穠艷屬牽牛。且看星橋橋影浮。紫白朝朝花破蕾。短長箇箇蔓移鈎。露分一滴銀河水。月映五更金井秋。知否天孫別時恨。人閒含笑媚籬頭。人閒一作幽姿

感秋

商飈破岑寂。戰戰林木鳴。寒境搖落早。客子魂易驚。斷雁叫霄漢。長蛇橫榛荊。雲霧埋湖谷。乾坤氣崢嶸。且如今年夏。淫雨曾不晴。七道多水害。秋收最關情。

南岳曰讀歐公秋聲賦來  
松意曰憂世之至情溢于楮  
表有杜陵之遺響



南岳曰今也國是定矣勿作無翎之激

南岳曰公論豈可贊曹利用王倫之徒乎

况。瀟。二。年。久。萬。里。事。遠。征。將。士。近。無。戰。皆。歎。髀。肉。生。  
國。是。想。終。局。和。議。成。不。成。折。衝。樽。俎。報。世。人。耳。頻。傾。  
同。胞。五。千。萬。誰。無。憂。國。誠。半。夜。仗。劍。起。睥。睨。北。斗。橫。

次西川菊畦見寄詩韵以贈菊畦近寄自家寫真句中故及

人。生。得。喪。一。枰。碁。文。字。清。交。事。最。宜。情。厚。何。妨。無。面。  
識。對。君。真。影。讀。君。詩。

聞。米。國。新。報。有。此。作。報。道。折。衝。樽。俎。終。如。何。諸。將。戰。時。功。功。虧。一。篲。誰。無。  
憾。欲。問。江。湖。定。論。公。

丁。中。秋。馬。山。別。墅。作

南岳曰南面王之樂哉

南岳曰領聯尤佳南州曰合作

馬。山。雲。物。領。清。幽。不。惹。塵。囂。一。片。愁。今。夜。偏。憐。邀。大。  
月。十。年。無。比。好。中。秋。鵬。邊。晴。色。天。如。水。笛。裡。寒。光。人。  
倚。樓。微。醉。未。醒。歡。未。盡。此。心。何。必。讓。王。侯。

秋居

溪。聲。慣。聽。不。知。喧。高。枕。樓。中。夢。也。溫。泉。石。之。閒。無。寵。  
辱。功。名。以。外。有。乾。坤。寒。蛩。咽。露。苔。三。徑。征。雁。橫。秋。月。  
一。痕。富。貴。元。來。非。可。買。自。誇。湖。海。布。衣。尊。

九月十六日與諸子登六甲山得二絕句

山。頭。遠。上。竹。輿。來。拍。手。人。人。喚。快。哉。紫。白。紅。黃。秋。若。  
錦。路。傍。千。種。草。花。開。



黃鶴曰詩亦空澗

秋晴十里試躋攀。遙望尤宜俯仰閒。無數白帆來往  
外。分明落眼八州山。  
山田永年來訪賦。二絕句以似錄一  
朝來有喜迓嘉賓。文字夙緣情可親。曾耳才名無面  
識。初逢十載夢中人。

古劍

良工鍛鍊歲年逾。紫氣知他貫斗牛。切玉如泥思古  
楚。斬蛇當道起炎劉。一條秋水照千古。三尺寒光輝  
五洲。休道太平無用處。神州長此護金甌。古一作丙  
山田中東碧六十初度次其自壽詩韵以代賀詞

苦園曰引滿有力  
黃鶴曰一結千鈞

明治隆運遇維新。無復風塵厄此身。幾處衣冠廿年  
夢。一家琴瑟四時春。丹心報國功何朽。白髮耽詩樂  
自真。今日豈無張翰感。海鄉秋味入鱸莼。  
官餘逸樂又何加。海屋添籌依佛家。山色遠從欄角  
見。濤聲無復樹梢遮。成婚兒女人如玉。自壽詩篇筆  
著花。風月知君探討遍。名區到處足舟車。

再次前韻

茅海煙波萍迹新。官遊廿載退休身。南船北馬三千  
里。白髮青山六十春。冠冕曾知功績大。文章今見性  
情真。水鄉自有鱸魚美。敢憶秋風故國尊。



黃鶴曰雍容都雅祥瑞之氣  
逸筆端

風流文雅逐年加。閑地最宜移一家。脚健何須短策  
曳。眼明無復點塵遮。皇恩長拜醉邊月。壽域且開  
吟處花。詩酒優遊多樂事。門前輻湊故人車。

謾成

永岡東漸曰愛國情溢紙上

松憲曰語語自肺腑出能感  
人  
又曰後聯雄渾大見筆力

戰捷之威曜四陲。講和星使向天涯。功名唾手定何  
者。否泰關心真此時。瀛海浪驚鯨鬣振。關山月苦雁  
聲悲。寒燈半夜誰無感。朔北秋風入夢思。  
講和遙信涉雲濤。將士無心脫戰袍。悲憤情如燒燭  
見。折衝策似隔靴搔。秋風臺閣衣冠古。夜雨江湖波  
浪高。山客不知當局事。南軒一臥醉村醪。

東漸曰三首皆警世之語所  
克已銘也當局者以為如何

黃鶴曰結尾大振氣宇雄渾  
造語豪壯

無賴秋風草木驚。山川忽作不平鳴。折衝誰缺龍睛  
點。輦轂或看蝸角爭。未聞將軍遠征苦。且欽民庶至  
誠情。乾坤咄咄秋將老。大塊何時歸廓清。

牽牛花

滿庭秋色在籬頭。月落曉天星漢流。莫是天孫別時  
淚。露珠涼滴碧牽牛。

次韻清原帆山品川卜居詩

休將身世比懸匏。此處安居似鶴巢。海驛秋風稀剝  
喙。詩家閑業在推敲。臥聽漁笛傳欄角。座看征帆過  
柳梢。誰恠先生吟骨瘦。杜陵一任飯山嘲。

東漸曰實境

村居秋晚 席上分韻得江

荻花秋老釣魚缸。雁影低低過水窻。好作一竿風月主。前川即是小桐江。

黃鶴曰好命意好詩境

記時事 鳳陽山品川

赫赫威名天下推。日章旗色粲然開。同盟功大國賓至。英國提督率艦隊入朝和議約成星使回。禹域山川歸索莫。鷄

黃鶴曰可以為詩史

林社稷入疑猜。凱旋尤仰東提督。億兆歡呼動地來。

霜曉下淀江

柔櫓搖搖下淺灘。疏楊亂荻欲秋殘。一篷月落霜如雪。欸乃聲中客夢寒。

南岳曰可收入才調集

古瓦

貞堅之質似雲根。想見當年撐瑞墩。鏤去唯應為小硯。摩來或又代香盆。未央宮絕殘形貴。都府樓空古色存。慙我健全猶肖汝。不如玉碎世閒尊。

湖村秋夕

殘照雲如燒。歸羽沒遙碧。仙鳴何處邊。暮色橫咫尺。湖岸一笛秋。蘆花雪翻白。蟲吟釣魚磯。人立浣紗石。橋西撒魚市。萬喧歸一寂。帆影山下過。箇箇隱山側。漁叟方曝罾。繫舟古柳北。有婦沽酒無。炊烟出篷隙。清原帆山次。余秋感詩韻見寄。余亦疊韻却寄。





放。行雲流水復難追。黃花原有凌霜節。翠竹安無倒  
雪時。寒境僅容蒲柳質。對山听夕撚吟髭。

浮生如夢歲星移。天分於吾只自知。自古英雄多愛  
酒。于今處士儘耽詩。夕陽楓樹紅三徑。秋露菊花黃  
一籬。老矣仙裳須嘯傲。敢期身後豹留皮。

菊花楓葉未全衰。秋老遙天雁語悲。兩鬢霜華孤鏡  
照。十年心事一燈知。靜中書味甘於蜜。老後酒情芳  
似飴。爲是寒來怯寒切。卜晴日日數歸期。

十半 答人問馬山紅葉

高尾龍田孰得同。馬溪宛在畫圖中。滿山楓樹交櫻

黃鶴曰翻案妙

樹。櫻葉紅於楓葉紅。

歸家有此作

歸來初覺小春天。輕暖適身心快然。就席先傾數杯  
酒。賦詩不直一文錢。盆中寒菊留毬子。瓶裡新花插  
水仙。孝養憐他兒輩在。重衾自此夢應圓。

畫梅 席上分韻得齊

竹外橫斜影。香風度古溪。一聲孤鶴警。月白斷橋西。

題默化菴

道德三千了道原。知君學術有淵厚。菴中默默無爲  
化。卽是玄玄衆妙門。

苦園日出煙霞窟入安樂  
窩夢圓可想  
黃鶴曰第三句下得奇警



憶昔行

憶昔負笈遊南豐。當時總角方頑童。螢雪空換三裘葛。依然吳下舊阿蒙。憶昔學醫入江戶。意氣軒昂如騎虎。豈計忽接家嚴訃。功業未半歸西土。爾來忽忽五十年。百事無成唯愧天。白首種種無名者。我非捐人人先捐。浮生百年總是夢。人閒豈無武陵洞。入山出山歲又徂。放吟不妨酒一中。酒方一中興方深。手擊唾壺口放吟。悲歡得喪無籍在。自保松柏歲寒心。嗚呼世運屢閱陵谷變。生自封建至郡縣。况又日俄開兵端。遭逢空前一大戰。嗚呼同學少年今白頭。十

久保檜谷曰一灑成篇真是以筆爲舌者佩服佩服

中九爲鬼錄儔。我尙建在真大幸。自擊皇運隆隆

大捷秋

憶昨日俄兵釁開。宣戰大詔下台槐。爾來五百有餘日。大戰小戰幾百回。絕海鱒艦。艦銜舳。百萬貔貅滿山陸。當時戰域瀾清韓。百戰百捷其勢如破竹。仁川一戰先制機。陸海到處奮軍威。最是日本海上一大捷。豈止旅順武功巍。宇內大勢從此改。米國路氏蹶然起。周旋日俄兩國閒。遂使彼我會名士。名士折衝和初成。清韓陸海齊戢兵。六軍凱旋夜繼日。五千萬



檜谷曰群峯蒼生不可變登何等奇態

南岳曰雙收頗有氣魄

南岳曰句法錯落自有風雅之韻

檜谷曰題目不連長短之句而一上先生筆恰貼如此最足欽仰

同胞誰不歡迎。歡迎挾路立旗幟。嵩呼萬歲之聲動。天地同情如此無遺憾。喜色溢面幾將帥。不獨將帥喜色多。百萬貔貅皆歡歌。况又犒軍乃聖詔最優渥。感泣誰不浴恩波。君不見五大洲中驕傲一大國。一敗塗地諸將無顏色。又不見神州今代隆運高於天。無缺金甌一系千億年。  
逍遙游社席上分韻得肴體限長短句古詩  
霜如雪白滿郊。一天無些翳。快晴是冬梢。山瘦樹皆秃。水涸舟儘膠。尋野寺。門可敲。過橋又過渡。沙路無凸凹。江南梅初暖。樹閒認衡茅。冬晴如此不易遇。好

梅崖曰冬晴一句承上引下

松憲曰得此雙壁草堂生色多謝

訪詩僧締新交。與僧對酌試一醉。伊蒲饌何嫌野肴。笑我老後酒杯未曾一日拋。  
十二月一日訪松憲於岡村主人詩先成次韻  
以贈二首  
趺然笑入舊門墻。案有殘書定老莊。鳥雀求栖天漸暮。松筠弄影月如霜。孤燈磨墨麝薰列。對榻論詩酒味長。一坐醉中揮翰處。風流亦是木蘭堂。  
高啓陸龜蒙祠詩猶有新  
詩驚太守醉中揮翰木蘭堂  
觀音寺畔小柴桑。也訪陶家坐夕陽。松老南園長挺翠。菊殘後圃尚留香。隨宜飲只三蕉耳。莫逆交方十



南岳曰主人意亦必待雨其喜可知

歲強投宿任他明日雨。檐端不插掃晴娘。一作不依

南岳曰筆鋒全銳感喜感喜

歲晚書感

世味年來仔細諳。如今特覺菜根甘。黃山谷句病餘得。白樂天禪老後參。書案古情孤硯北。梅花春信一枝南。迎新送舊日方近。改歲欲聞清耳談。  
壯年心事已為空。老去優游得意同。竹馬回頭無一友。雪泥留迹有孤鴻。愁消白髮踈踈外。夢穩青山歷歷中。猶剩元龍湖海氣。有時醉裡罵英雄。  
誰道老來詩是耽。風流餘樂且相諳。興多琴筑碁書畫。緣遠公侯伯子男。翠玉垂垂連兩竹。金丸累累壓

霜柑。殘冬無復輪蹄到。宰相山頭一草菴。

不關世路太崢嶸。詩酒優游寄此生。雁自天邊隻影過。梅於竹外一枝橫。子山詞賦暮年富。叔夜懶慵閑裡生。好與狸奴分半座。南軒曝背坐冬晴。

殘冬風雪滿書樓。憶起城中人事稠。和議一朝收檠戟。凱旋萬里迓貔貅。南巡恩遍。天皇駕。西下威揚。太子舟。唯是關心流疫耳。待春情與少年侔。

寒夜枕上作

戰後乾坤氣未平。殘冬半夜夢頻驚。一痕缺月冷於水。聞盡家家警柝聲。

檜谷曰五篇皆閒情高視有采菊見南山之概吾輩營營食走衣奔者仰為神仙也



黃鵠曰端重壯麗得雅頌體

黃鵠曰安詳閑雅壽康固其所可賀可賀

丙午新年作二首

戰後新正仰國光。國光中外轉煌煌。雲籠丹闕恩威遍。春入青宮慶瑞長。玉馬朝天丞相駕。金鷄映日武臣章。翠華憶昨南巡處。大捷告神儀典昌。江湖久矣夢踈狂。又把椒杯醉味長。處世百年廉且讓。誇人一事壽而康。日升東海波添色。梅到南枝雪吐香。生遇聖時何大幸。依然沿例賦春王。

賦得新年河

春聲先入裂水邊。神苑似聽環佩傳。請看天潢宗派水。千秋不涸五鑿川。

新年書事

又被東風吹鬢絲。優遊何幸遇清時。屠蘇今日三杯酒。陳套新正二首詩。戎馬收蹤波不駭。柳梅吹暖爲先知。殘生且喜多餘樂。別有兒孫誦學而。

新年雅集

天滿宮連歌所課題

東風花信在南枝。不負春筵雅集期。小戶敢辭今日酒。一聯猶議去年詩。醉來豪語交諧語。忘了新知又舊知。三五紅牙磨墨在。何妨白髮對蛾眉。

失題

穆公遺志貫千春。六國併吞奈暴秦。戰後殘軍猶臥

首園曰前聯無些巧而妙在鼠卒

松憲曰前聯新警



檜谷曰沉痛確偉筆筆有聲

雪。劫。餘。大。帝。欲。蒙。塵。支。持。社。稷。憑。誰。力。整。頓。乾。坤。待  
偉。人。恐。嚇。縱。能。鹿。為。馬。難。欺。一。億。萬。生。民。  
一。月。念。四。日。雪。誰。道。灞。橋。詩。思。新。江。南。江。北。忽。敷。銀。侍。師。門。下。弟。猶  
立。訪。友。舟。中。興。已。陳。庾。嶺。開。花。天。不。夜。藍。田。種。玉。樹  
皆。春。敢。論。酒。價。長。安。貴。豐。兆。歡。呼。擊。壤。民。

臥牛石

為有木淇晚

臥。牛。石。臥。牛。石。其。質。堅。緻。色。淺。黑。言。是。獲。之。牛。瀑。山  
中。宛。如。老。牛。臥。而。息。其。高。三。寸。強。其。長。不。盈。尺。厚。重  
亦。稱。之。體。軀。無。毀。瘠。君。不。見。四。海。謳。歌。明。治。春。伐。蜀

福原周峯曰起手直敘其物古體正格

周峯曰結末歸重其人記得典雅

破。燕。總。疇。昔。無。復。丙。公。問。其。喘。無。復。老。子。駕。其。脊。淇  
晚。隱。士。好。事。人。一。朝。獲。之。比。拱。璧。隱。士。元。來。尤。能。書。  
摩。挲。不。措。几。案。側。對。之。筆。力。如。牛。弩。雷。霆。避。兮。纒。綫  
席。居。然。當。年。米。南。宮。耽。書。愛。石。同。一。癖。  
梅花書屋圖  
莫。是。孤。山。處。士。莊。一。雙。仙。鶴。護。門。牆。主。人。坐。在。梅。花  
底。終。日。讀。書。聲。亦。香。

松憲曰詞致清矯

南岳曰末三字主眼

書樓早春

課題

樓。居。亦。是。小。仙。家。辟。穀。有。人。輕。世。華。半。壁。孤。琴。伴。書  
帙。四。山。殘。雪。入。窻。紗。新。聲。尚。澁。籠。中。鳥。清。氣。未。衰。瓶



裡花。方眼欲期弘景壽。吟風嘯月淡生涯。

竹灣雪艇 課題

月瀨梅林對尾山。寒溪隔在畫圖閒。飛花和雪滿篷白。一棹春風下竹灣。

賀都筑三大居士六十初度次其自壽詩五首

連環體韻

春風芳草碧芊綿。歡裡何妨節序遷。知與不知人獻壽。賀章堆處展慶筵。賀章堆處展慶筵。來會一門桃李賢。和氣滿堂春酒暖。齊歌天保九如篇。

黃鶴曰淡窻先生遺音

松窻曰五篇真個如串珠可謂絕好壽詞

苔園曰喜氣躍躍於紙面亦是賀詩本領

齊歌天保九如篇。海屋添籌是夙緣。紫綬金章又何羨。功名不到夢魂邊。

功名不到夢魂邊。詩國醉鄉堪樂天。最是風標人所仰。髯霜眉雪有仙緣。

髯霜眉雪有仙緣。遐壽何唯期百年。詩酒自今行樂好。春風芳草碧芊綿。

都筑三大頌壽錄經三島侍講執奏辱青宮電覽居士感泣不能措賦記恩詩二律索和次韻以贈

佳氣洋洋喜氣繁。功名以外別乾坤。神仙人仰陶弘







南岳曰多情語

妬。不采紅蓮采白蓮。采蓮  
 銀燭燒天春殿深。楊肥趙瘦列屏陰。管絃齊起團欒  
 裡。別有嬌喉弄妙音。合奏  
 幾幅雲箋掛壁閒。嬌音私語破清閑。不知誰是尤才  
 女。畫樣人評畫樣山。品畫  
 杏桃春淺未全開。脂粉薰邊笑語催。鬢影釵光壓碁  
 局。橘中盡著女仙來。圍碁  
 書聲朗朗出窻紗。清氣迸邊鈿影斜。半面寧容蜂蝶  
 伺。一軒白了碧梅花。讀書  
 一隊仙妃百媚成。蹴毬颺處覺風生。搖搖翠滴絲絲

南岳曰清氣可想

南岳曰讀去口吻亦香

苦園曰宮娥十首綺麗成章  
長壽心相一見可卜

柳。吹。觸。輕。釵。玉。有。聲。蹴鞠  
 紅衣碧帶著新裝。恰似翩翩蝴蝶狂。莫是郭郎來扮  
 女。一雙舞袖太郎當。舞蹈  
 美人十詠  
 石橋雲來曩詠婦女時。樣學洋風者十品。余  
 亦戲賦十首  
 一見由來勝百聞。喃喃解語豈無動。寶釵羅襪不知  
 重。踏破米山歐水雲。行旅  
 著白衣來岸白巾。手携計器侍昏晨。社名赤十心偏  
 赤。慰得瘡痍困臥人。看護

南岳曰壓卷

南岳詩稿第二集上卷



黃鶴曰其然豈其然乎

南岳曰佳結

松憲曰才調可愛

黃鶴曰目逆而送之者失意可想

已過嫁期猶未婚。上鬢窄袖淑容存。腋閒時挾洋書  
 在。眉宇不留脂粉痕。教員  
 髮插新花指帶珠。嬌音學語似鶯雛。比來勉勵依何  
 事。欲伴夫君遊佛都。語學  
 石榴裙映玉花驄。淺笑橫騎顧盼中。休道鞍韉無繡  
 飾。金簪光閃一鞭風。調馬  
 卷髮侍筵扶酒杯。鰕紅紈袴是新裁。誰圖海外娼家  
 女。也學女生時樣來。著袴  
 肩摩穀擊路塵繁。傳警鈴聲振耳根。目逆釵裾忽相  
 失。香車自轉美人奔。跨車

南岳曰首首新奇字字帶香  
慣家手他人不能企耳  
昔園曰歲調嬌情可喜

南岳曰情緒不凡

笑立案前鬢影橫。說來縷縷太多情。鶴音鶯語入佳  
 境。應應頻傳喝采聲。演舌  
 束髮插花嬌不梳。草囊携去步徐徐。借將深室縫裁  
 手。日上官衙檢簿書。為吏  
 天成美質不尋常。豈比男兒作女裝。拍手博來新喝  
 采。弄將洋語媚髻郎。戲劇  
 春寒勒花  
 飛霰撲窗如擲丸。春陰漠漠小樓寒。梅花欲笑猶緘  
 口。恰作美人酣睡看。  
 高樓晴望



昔園曰右現金峯左現龍門宰相山實景

連日春寒掩竹關。起來新霽足怡顏。天邊現出崔嵬雪。初見平生未見山。

漫吟

老去詞源已槁枯。苦吟將拾噬餘珠。閒眠賴抱湯婆臥。安步偏依竹丈扶。詩國之中足風月。官途以外有江湖。笑他今尚無償意。餘命於吾似宿逋。

松憲疊昨冬唱和詩韻見示余亦依前韻却寄

二首

胸閒不敢築屏牆。愛客真情古鄭莊。日貯新詩囊底玉。未知雙鬢鏡中霜。西流一水寒光遠。北走千山翠

松憲曰佳脫佩服

色長。猶記前霄迎我夢。欣然握手上華堂。

百年祖業在畊桑。家住河南倭水陽。梅月半窻描瘦影。篆煙一縷吐奇香。讀書以外多娛樂。散策之閒見健強。佳句滿囊人所賞。誦吟何待紫雲娘。粧樓記魯敢遇仙女曰嘗

見紫雲娘誦君佳句

春莊雅集

席上分韻得舒主翁以余久斷米食之故特供蕎麥麵末句故及

仙人不恠好樓居。雅集來參隱士廬。節入春分三日後。天吹暖律百花初。舌端清冽杯中物。墨蹟淋漓壁上書。最喜主公容措大。黑奴勸醉兩眉舒。

三月十七日周峯苔園訪余宰相山寓樓席上

松憲曰一聯皆費工夫非先生不能作



分韻率賦二首以似二氏  
空谷登音響。歡迎小閣延。青山幾猿鶴。白髮兩神仙。  
薄酒斟春味。新詩鬥老妍。西都芳事約。何處棹航船。  
清標先仰兩詩仙。連袂來尋小洞天。隱逸撫松陶靖  
節。風流愛酒杜樊川。山林不帶衣冠氣。花月寧忘文  
字緣。拈韻醉春歡未盡。夕陽鼎坐聳吟肩。

松憲曰不費粉飾却妙

古曾部懷古  
逸韻高標憶古賢。白川妙句口碑傳。莓苔片石無人  
掃。春雨秋風八百年。  
美人折花

松憲曰疊字有趣  
黃鶴曰何等多情何等奇想

解語有花花亦疑。一雙花似競嬌姿。折花恐被花神  
妬。春屬手中花一枝。  
次周峯見寄詩韻却寄  
東山翠黛入牢晴。郭外知君散策輕。挖雅揚風堪大  
任。蘭心蕙思博芳名。梅憲讀易鳥窺座。水榭題詩月  
在觥。節近清明天易變。花時淫雨最關情。  
空澗廣田澹洲來訪有詩次韻以似  
樓依宰相古林丘。次第風光落兩眸。濁酒無由留舊  
雨。新詩不敢逐時流。滿田油菜黃雲遠。當面煙巒翠  
色稠。最是同心同調客。清談半日破春愁。

松憲曰周峯翁寫照



芳山懷古同。南風不競有餘悽。忍看宮址營茅  
吊古尋春路欲迷。三代衣冠花不語。千秋碑碣鳥  
空啼。來探忠烈名臣迹。雨撲落紅天亦低。

南行菴訪波多野半稜南行菴半稜別業在對  
延元陵之地

路自延元陵下通。訪君對座醉春風。櫻花三處三千

樹。併在茅菴一望中。一目千本有上中下而花有遲  
速如余此三處盛開不易獲云

半稜有詩次韻

花三十里滿山春。崖側欵扉停畫輪。半日論詩無別

語。白頭同是苦吟人。

南岳曰快游中逢斯人真個  
可喜

南岳曰此論極佳憾不得在  
傍聽之

南岳曰此論極佳憾不得在  
傍聽之

南岳曰真解真解

松憲曰三四見造詣之深

雨中對花。幾樹櫻雲擁梵宮。枝頭紅滴一林風。漫言月下觀花  
好。靜妙誰知在雨中。

醉歸聞鵲。雨餘新樹淡於煙。熟路分明帶醉還。杜宇一聲何處

所。半輪山月掛中天。

梧窻小集此日終日大雨席上方舟大迂二氏作畫句中  
故及

梧桐點滴叩低檐。窻下清幽禪味添。酒酌餘情杯未

擲。詩嫌虛構韻猶拈。雨中新樹花三舍。座上青山畫

一縑。同調十人多白髮。吟肩相聳似山尖。

黃鶴曰前聯奇構斬新



黃鶴曰韓旋轉振筆力扛鼎

一觀牡丹入定白雲。氣貫管山尖。  
魏紫姚黃媚短垣。幾枝冷艷露華繁。人門富貴非吾  
事。付與名花春一園。不帶幽蘭。新香。雨前。猶帶露珠。

松憲曰領聯名對

奉賀松方伯七十初度二首

中興元老仰巍存。德望千秋魯殿尊。丙相明曾及牛  
喘。溫公行可對人言。國家財政留鴻績。帷幕忠謀答  
聖恩。瑞氣鍾門多壽福。螽斯幹盡富兒孫。  
王事勤勞弩已蹇。元勳壽考可謳歌。臺階請老溫容  
貴。麟閣留名偉績多。江左風流晉安石。關中經理漢  
蕭何。百年五福都恩賜。不許青山臥薜蘿。

周峯曰合二詩而應傲海東相公小傳看

苔園曰似宰相山

林莊 課題

英雄遺壘古林莊。欄外黃雲近麥秋。交友無多賸碁  
敵。閒人動輒作詩囚。殘鐘歸客苔三徑。新樹啼鵲月  
一鉤。不許市塵侵几席。吟情寄在最高樓。

林亭坐雨 天神社課題

結習年來未肯除。閑敲碁子黑甜餘。樽中常有濁醪  
滿。亭上不教過客疎。滴翠娟娟新樹雨。碎金的的小  
池魚。林園未暑日偏永。也乞隣僧借佛書。

海樓晚望 席上分韻

紀山淡鳥望中迷。登盡高樓十二梯。不繫舟猶如坐

黃鶴曰蕭疎閒淡襟懷可想



水釣竿垂在夕陽西。

入馬山

春夢婆娑痕未刪。流鶯一路聽綿蠻。黃梅時節榴花赤也。拉家人入馬山。

馬山別墅

竹下清風拂鬢毛。閒人祇合此中逃。天逢閏月暑猶薄。酒較繁華價不高。一簇崩雲山勢蹙。千溪驟雨水聲豪。近來新築書樓在。也作詩囚甜菟毫。閏月一作端午

同題壁

遠離城市入林墟。閒境清娛在讀書。雲態水容迎我

近藤石顛曰山村實況寫得宛目

松憲曰首首實際一聯清新

黃鵠曰真可謂不負名

昔園曰一家詩史

笑江山有待舊吟廬。江山有待吟廬名

同梅雨中作

蚤起何攸見。兩三標有梅。酒痕衣上醜。人迹砌中苔。帶雨雲舒卷。嘶泥燕去來。山寒猶狹纒。不復聽蚊雷。

荷亭倚欄

湖心亭子冷於秋。四面有花清影浮。細細吹香香不斷。采蓮歌起美人舟。

四宮二橋六十壽詩

滿堂和氣瑞雲堆。芝子蘭孫總秀才。壽福欽君占仙境。小松洲是小蓬萊。



廣田澹洲見眎其與乾愛山唱和詩次韵却寄  
交友休言不易逢。別來儘得接丰容。煙霞痼疾留鴻  
爪。文字因緣見筆蹤。功業半生三斗墨。客游千里一  
枝筇。今春宰相山頭屋。來訪敢忘情意濃。

澹洲疊前韻見寄余亦疊韻四首以答  
交歡未必在遭逢。唱和全同對玉容。蕙思蘭心多妙  
句。淡山攝水寄高蹤。多年親厚共杯酒。何日勝游陪  
杖筇。曾賜雌黃巴調稿。慙慙爲謝舊情濃。

每讀君詩蔗境逢。居然對榻接音容。人閒歡樂半宵  
夢。天下文章千古蹤。霽月光風供飲酒。殘山剩水寄

南州日第四大佳

南州日佳聯

吟筇。他時此地來游日。掃席將迎友意濃。  
風流韻事不難逢。且喜迂愚幸見容。玉海金山窺氣  
宇。花天月地想游蹤。苦吟吾嘆双頰髯。探勝君親一  
短筇。尤羨紀南航海日。波光巒影入詩濃。

之游南  
紀之約

文字情交紙上逢。胸中恰似伺言容。他時熊浦君探  
勝。今日馬山吾托蹤。兩髯雪霜歎老境。滿囊金玉憶  
歸筇。好音先卜接書信。昨夜燈花一穗濃。

七月十四日得橋本海關書賦此以答此日雨  
至故及



黃鶴曰主人之喜可想

南溪詩集卷二

文字訂交猶未逢。多年夢裡接清容。忽然報道來游日。書意濃於雨意濃。  
 日書意濃於雨意濃。同十六日善福精舍逢海關賦似。門前相遇互通名。携手升堂對短檠。竹笑蘭言歡不盡。一宵共話十年情。  
 大村楊城見示悼夫人作次韻以贈。孤夢短宵成不成。百年悲淚鼓盆情。思君夜雨殘燈下。恍惚應聽絡緯聲。  
 題海關風俗月令詩卷後。月令詩成筆有神。才華寫出性情真。請看舊典保持

意欲警世人徒競新。  
 小齋高見愛洲寄隨月樓自題詩索和次韵以贈士。巍樓百尺寄吟身。無復胸中累劫塵。滿架詩書存至樂。一家琴瑟證良因。當窻翠色山為主。入座清光月是賓。風化知他敷遠近。詞場君本射鵰人。  
 殘星影欲無。曉圃移吟屐。牽牛無數花。一籬風露碧。竹風吹葛巾。山背日全沒。石路忽熒熒。長庚明似月。夜歸觸目。

南溪詩集卷二



古刹依山聳。山尖月未生。青燈僧影澹。修竹洩碁聲。

聽石鷄。涼月來窺席。山人夢未成。清音穿耳底。湖戶石鷄鳴。

別墅偶作。江湖歷落絕時流。好作山林猿鶴儔。詩不求工唯記

實。酒何撰品在消愁。百年知己親黃卷。一穗吟燈照

白頭。幸有閑中清福在。老來未典鸛鷄裘。

山齋夜話。小齋相對小溪林。架上青編伴素琴。史話經談名士

迹。高山流水古人心。檐端涼月蟲聲苦。竹裡殘煙燈

影深。情味自與茶味淡。一更更盡夜沉沉。

山莊秋居二首

蟋蟀鳴我室。秋風吹我衣。小禽掠簾過。梧葉三兩飛。

山影壓老屋。日升露未晞。炎塵全收迹。一雨綠芋肥。

殘書在几上。悠然忘百非。隣僧日通款。有時乞詩歸。

跌跏日之夕。焚香悟禪機。秋花開何處。脉脉傳芳馥。

惠然山吐月。何來傳桂香。邀月為上客。相依挹清光。

冷露浮葉上。微風動幽篁。溪聲可洗耳。山氣可沁腸。

山居非迂計。便期壽而康。灑脫塵劫去。便偏詩思長。

夜深未就寢。月低在西廂。無端睡意到。忽入無何鄉。

昔園日起聯最古調

昔園日起聯最古調



昔園曰實況味在言外

石頭曰好山莊好樂事

齊山圓山大迂訪余於馬山淹留數日有詩次韻以  
 山似玉... 山莊莫乃望仙臺。忽聽登音喜大哉。唯有三餐供野  
 菜。未嘗一日擲吟杯。西廂為主吾相接。東道邀賓鶴  
 豈猜。最是經旬無限興。留君碁局幾回開。  
 同大迂賦  
 竹韻自清越。微風涼味長。琴書閑富貴。煙水活文章。  
 雷震山過雨。蟬吟樹夕陽。客來碁敵足。听夕靜中忙。  
 大迂有詩次韻六首  
 山莊邀雅客。几席拂游塵。瓶插花君子。杯浮酒聖人。

黃鶴曰首首盡非人閒物情  
 味津津雲藥瑤露非飽沉澁  
 氣者不能先生真是仙鄉中  
 人哉健羨健羨

樹陰移榻坐。燈下把書親。莫逆情交密。須知有宿因。  
 小廬藏竹樹。咫尺絕炎塵。恠石蟠如盾。靈楓立似人。  
 酒杯時不惡。文墨且相親。胸裡無城府。縱談歷劫因。  
 老友多同調。君詩最絕塵。門無騎馬客。座有射鵬人。  
 山水幽而邃。琴書淡以親。長生仙訣在。白髮共相因。  
 听夕頻拈韻。筆硯不留塵。山月夜窺座。竹風涼可人。  
 一鄉天地老。十日范張親。消夏計尤好。賡酬繼舊因。  
 起臥無賓主。兩心迥出塵。投閑林處士。伴老竹夫人。  
 半壁琴書列。一邱猿鳥親。交歡杯酒外。文字是良因。  
 松韻和泉響。門無漠漠塵。青山幾樓閣。白髮兩仙人。



苦園曰句句皆顧題面傍人不能道到

元是芝蘭契。寧輸骨肉親。連宵同枕席。情話互相因。  
 半。大迂將歸有疊韻留別詩余亦依同韻以贈別  
 一雨秋涼動。新晴濕路塵。今宵暫別酒。明旦獨歸人。  
 白首情何盡。青燈夢可親。觀楓他日約。近有再逢因。  
 贈小林卓齋用前韻  
 烏帽與鳩枝。不留京洛塵。基囚歸我輩。詩敵見伊人。  
 須擬百年友。元非一夕親。馬山消夏計。幾度繼前因。  
 秋郊散策 課題  
 吟筇得得向城東。秋色滿郊雙眼中。寒水枯楊一作斜陽  
 人喚渡。亂山踈雨雁橫空。千村黃接稻梁暮。兩岸白

來時雖在  
南瀛詩稿第二集卷

翻蘆荻風。路上行聽田父話。今年豐勝去年豐。天恩  
 疊韻寄大迂  
 古帝行宮地。千年拜後塵。青山臥雲客。赤水坐湯人。  
有馬溫泉多合 三徑菊松老。一家鷄犬親。與君同臭味。  
 富貴兩無因。  
 小病不離蓐。空留筆硯塵。山中孤館雨。燈下獨眠人。  
 相思幾宵夢。再逢他日親。赤楓期已近。佳約只須因。  
 謾吟十二首  
 錦繡未曾著。膏粱未肯嘗。性情甘澹泊。致此壽而康。  
 不用羨豪華。不須希紫綬。自知天爵尊。風月是吾有。



子猷日友竹。君復常妻梅。難繼二賢迹。也栽梅竹來。  
有書閒可消。有酒興何淺。讀後醉殘時。悠然對雲巘。  
寒暄雖異地。喧寂本存心。所以閒人耳。泉響亦琴音。  
有意窺窻月。無心出岫雲。雲能為友伴。月最佐詩勳。  
守口要如瓶。秉心應若鐵。堅剛沉默人。今古出英傑。  
傑士如愚者。名儒似野人。休將風貌說。所貴是精神。  
何家無盛衰。何國無興廢。偉矣日東州。金甌傳萬代。  
七十古來稀。况猶於百歲。生前一杯酒。可以忘身世。  
人生如旅客。通過短長亭。元是一場夢。百年誰不醒。  
枯木無花實。蠲體何樂存。唯須愛今日。一醉浴天恩。

苦園曰流暢溫和之筆時洩  
清剛之氣即見山中修養老  
來練磨益至

踏霜不覺冷。又上赤松嶺。意氣豁如昔。行人皆謂  
何處不知秋色饒。探楓一路恰晴朝。鷄聲殘。月霜如  
雪。踏過江南小板橋。

秋郊

節過重陽天尚暄。晴郊十里踏霜痕。無名身比雲無  
迹。出郭心同鶴出樊。紅樹樓臺秋水寺。黃花籬落夕  
陽村。逢僧欲話意中事。歸路應敲月下門。

十一月二日大迂再訪余山莊卒賦以似  
踐將前度約。紅葉及佳時。坡老三蕉酒。劉卿五字詩。  
交原比膠漆。心豈設藩籬。辛苦待君意。問君知不知。

黃鵠曰流麗閑雅措辭極妙

南岳曰真山民亦隱若



松窻白雲兄弟來訪疊前韻以似

山莊秋欲老來訪點燈時兄弟忘年友主賓分韻詩

丹楓藏古寺黃菊媚疎籬深夜手談熟月升人不知

再疊前韻以似諸子

馬山為小住多在夏秋時歲月夢中夢友朋詩外詩

羊腸通坂路兜眼補色籬楓候多迎送新知又舊知

同諸子瑞寶寺觀楓

踈兩一過後夕陽懸老楓楓紅照松翠松翠滴楓紅

自有馬抵生瀨途上作

怯寒老骨不堪冬又上去程歸意濃魚貫行人皆戰

黃鵠曰新奇巧穩才思如涌

南岳曰疊字似層楓之色佳甚

梅崖曰有韻記傳

戰羊腸險路幾重重。靠厓巨石負嵎虎。臨水長松飲  
湖龍。四十八缸何處所。晴沙一白夕陽春。舊道有四  
十八缸

過生瀨又得一首  
谿路行將盡。遲遲過驛亭。乳鷄狎厨婦。老犬佐車丁。  
潭淨水凝碧。霧消山露青。觀音寺何處。寒磬隔林聽。

國井素堂七十壽詩  
終生一貫舊精神。勤儉之中寄此身。取不破。廉花月  
主。積而能散惠慈人。家風化俗東西地。祖業收功七  
十春。名下久居非素志。醉鄉遁世養天真。醉鄉一作酒詩

佐野誠之南游中所獲双石一曰雁影一曰蘆



葉誠之有詩索和次韻以贈

聞說獲之於紀川。楚雲湘水想當年。于今片石留孤影。文字有緣天下傳。雁影石

載將奇石上歸航。髣髴猶看蘆荻鄉。憶汝前身迎宿雁。秋風明月立沙場。蘆葉石

寄呈湖山翁

欽仰巍然魯殿完。熙朝人瑞萬人歡。愛君杜老鬢全白。憂國放翁心是丹。花月三生增酒債。功名一代築詩壇。平生感泣皇恩渥。賜硯樓中夢玉鑾。

遠山初雪

...

...

...

苦園曰湖翁傳記八句盡了

宰相山頭百尺松。颼颼颯颯疾風衝。今年十日寒來早。雪白金剛第一峯。

馬山冬居

嘯傲難忘邱壑情。利名之外寄餘生。暗愁唯自閑中到。佳句多於意表成。洞口雲迷山有雪。篔頭冰合水無聲。今年寒比去年早。槽榼爐邊茶自烹。

至日游藏鷺菴分韻得元

菴在浪華城外村。清游趁約恰晴暄。一筵意氣傾江海。半日豪懷倒酒樽。客自北來尋舊夢。此日木蘇岐山自北越來會梅逢南至返香魂。佛前未必妨長醉。醉裡果知唯我

東漸曰好對能言意中事

黃鶴曰名聯不磨

南岳曰說得實事不繁冗真個詩家妙境



尊

歲晚書懷四首

錄三

滿天風雪又昏鴉。已迫窮陰赴壑蛇。湖海百年容放浪。家庭三世戒華奢。冬寒猶默籠中鳥。水瘦未枯瓶裡花。笑我吁喁保餘喘。壽康一事向人誇。

詞場爭鹿夢功名。一瞥流年魂易驚。吟客空於詩國

老。故人多向道山行。踈踈橫牖瘦梅影。策策奔階落

葉聲。暖律回春期在近。欲邀煙弟又霞兄。

浮世何關毀與譽。人間萬事有乘除。英雄白髮多耽

色。才子青衿不讀書。古竹影清寒月下。踈梅香動傲

南岳曰語語肝肺忠厚之情溢于辭

黃嶽曰

周峯曰七八最妙生前一杯

酒不如身後名之意快活之語有神味

霜餘生前一醉須珍重。又是流年欲棄予。

寒月下處作邀月處

除夕聽雪

課題

天送寒聲入板扉。殘冬欲盡燭光微。不知春至自何處。雪向東皇來路飛。

福原周峯見眎歲杪自述詩次韻却寄

世上功名付劫灰。半生閑職養仙才。氣吞湖海乾坤小。筆挾風雲混沌開。老後猶甘金谷罰。醉餘或怕玉山頹。江城一別年將暮。夜夜清丰入夢來。

須磨寓樓作

閑人忘了歲將除。帆影過邊坐讀書。昨對青山今碧



海一年兩度賦移居

丁未新年作二首

聖明旰食德威宣東海波平捧嶽蓮紫闕景雲長爛  
爛青宮瓜瓞仰綿綿臺南樺北八千里振武揚文  
四十年最是功臣堪畫處金鷄章燦早朝天  
七旬加四白頭翁婪尾銜杯歲歲同三世刀圭傳舊  
業一家琴瑟自春風雪餘梅柳精神王戰後江山氣  
象雄笑我醉來存故態謾論將士說勳功

新年松 御題

東風先到上林春鬱鬱老松迎歲新勁節貞心曾不

梅崖曰首句管到全篇

梅崖曰前首敘國運隆盛後首敘家門繁昌雙雙聯璧

改蒼官千古護楓宸

老將

休言白髮雪千莖收鏢豈無長劍鳴  
馬壯心不已夜論兵英姿颯爽思疇昔文采風流答  
太平居治曾無忘亂日宛然凌駕伏波名

老農

散髮蓬蓬帶瘦容猶能強飯愛醅醲  
作廡下依人曾賃春來燕歸鴻諧節序十風五雨說  
豐凶荷鋤叱犢今何敢笑看兒孫日務農

老友

南岳曰不事纖巧真是老手

苦園曰語意颯爽老將宛然

松憲曰雄渾稱題

黃鶴曰真個伏波以上人

南岳曰穩當

苦園曰有後聯而盡了老字



昔園曰人有所指語不淨泛

翻雲覆雨且休論。有此貧時舊侶尊。和氣平生春藹  
藹。交情抵死玉溫溫。青衿曾服秀才器。白髮敢忘知  
己恩。五十年前同學士。如今屈指幾人存。

松憲曰三溪翁再生

老妓  
章臺楊柳也昏黃。懶向鏡奩凝淡妝。眉黛無心畫初  
月。髮毛有術染新霜。流鶯春盡尚啼樹。老蝶花飛空  
戀香。長袖回鸞歸昨夢。嬌聲唱出謝秋娘。

昔園曰聲調流麗筆致巧穩  
老妓面目宛然如曙

老醫  
長生誰道守迂愚。鄉邑尚兼章句儒。橘井杏林披鶴  
髮。朝吟暮誦撚霜髭。刀圭以外多新著。詩酒之間足

昔園曰一氣貫注杏林詩史  
黃鶴曰一篇杏林變遷史在  
今日詠老醫如此而後不為  
空響著想高人一等

獨娛。別有終生不平事。罵將洋法老江湖。

老漁

百年身世伴閑鷗。鰲黑面兼斑白頭。萬頃煙波空送  
老。一竿風月不知愁。魚肥籊笠簑衣雨。舟坐蘆花淺  
水秋。沽酒餘錢天爵在。人閒未信有王侯。

老儒

一自洋書度海瀛。常歎斯道運偏傾。等身著述歸無  
用。滿腹經綸付不平。人品終生裨風教。文章百代待  
公評。年來辛苦何攸得。空博碩儒遺老名。

老僕

梅崖曰有漢字廢止論有仁  
義忠孝是非議真為天地一  
大變事今讀高作使人嘔血  
數升

南岳曰領聯穩當  
黃鶴曰真是儒生本領



曾隨吾父古風存。瞿鑠獨能事子孫。奴價元來倍婢

價。祖訥字士言貧常自炊爨養母將軍王敦聞之遣以一婢辟為

耶主恩何必讓親恩。落花時掃一弓地。新菜堪鋤二

頃田。莫乃海山閑使者。平生默坐到黃昏。陶侃得一胡

默坐侃一日出郊外奴執鞭隨胡僧見而驚禮云此海山使者也至夜失所在

老吏

少時意氣且休論。不羨三台卿相尊。才拙無由獻奇

策。官卑未肯試盤根。丹心獨擬涓埃報。白髮寧忘拔

擢恩。四十餘年如一日。朝昏出入舊衙門。

老樵

石顛曰一讀知循吏

黃鶴曰時字堪字虛字有力

雲林深處寄其身。負重臨危五十春。面色誰言黑如  
墨。髮毛且見白於銀。分將露草過荒路。插得山花擔  
束薪。妻子迎門猶未返。恐他去作爛柯人。

老僧

長生祕訣又何疑。不二門中獨得之。烏帽高於顛上

聳。皓髯長向膝前垂。真如月照坐禪處。無碍雲飛悟

道時。方丈豈留葷酒氣。焚香默坐嚼楊枝。毗奈耶曰嚼

一口不喫二口不苦三除風四降熱五除痰飲○膝前一作乳邊

老婢

中興之始夙歸農。兄事耕耘妹是傭。身健于今從浣

南岳曰起手不凡含老字尤妙

梅崖曰當今世俗頹敗禪門或開葷酒之氣見紅粉之色亦當局愆德之餘波歟

東漸曰一最動人



黃鶴曰巧穩清潤後聯尤妙

濯眼明猶未廢裁縫。伶俦蝶翅粉差褪。零落桃花紅亦鬆。憐汝一年三百日。先人蚤起五更鍾。

首春須磨晚望

百尺高樓夕照前。白沙自有海鷗眠。東風吹送千帆影。春在煙波縹渺邊。

次韻谷朝軒新春書感二首

國威今日振東隅。戰後經營在遠圖。欲奏偉功須守忍。謾求捷徑不如迂。冲雲鶴笑群雀鬧。埋雪竹依他樹扶。咄咄乾坤春尚淺。回天業獨待民徒。今世誰能守一隅。雄飛萬里企鵬圖。放言或學劉伶

黃鶴曰設字有力

石顛曰瀟灑擺脫欵尙何已

達。不信多歸鄒衍迂。夢裡空聽黃鳥嘯。醉餘唯喜翠娥扶。東風吹暖梅方笑。知否利名奔競徒。

西川菊畦見贈梅糕賦此道謝二首

不失本來香色真。羅浮仙客是前身。酸甜一味添芳氣。冰雪三生了淨因。春雨小樓宜解醉。茶煙禪榻好相親。羊羹自古其名美。果見東邦德有隣。清涼香味適佳名。敢讓東坡玉糝羹。美質宛然欺碼碯。芳魂元是化瑤瓊。含酸甘露津津湧。帶紫紅雲片片輕。最喜春窻詩思動。伴將苦茗洗餘醒。

周峯曰後首尤妙

高臺觀梅 席上分韻得魚



南岳曰好典故

南岳曰實況

苦園曰境佳人適詩自饒妙趣

月照黃昏樹影疎。寒香馥馥上階除。此花曾入王仁  
 詠。正遇神光煥發初。  
 早春遣興二首合韻甘  
 一灣潮水綠於藍。殘雪在山春已含。書帙披來無點  
 累。菜根咬得有餘甘。功名以外詩三昧。風月之間酒  
 半酣。吟望最宜晴暖日。千帆如織出煙嵐。  
 須磨浦上首春天。未必與鷗相共眠。雪日時移沙際  
 展。梅花偶擲杖頭錢。爐邊燒菟驛亭酒。檐角聽鶯楊  
 柳煙。白髮何關美人笑。醉吟幸有故交憐。

不月瀨探梅

課題

南岳曰警聯

南岳不是阿對泉頭一布衣

黃鶴曰淡淡著筆情味却深

黃鶴曰點竄無痕自然渾老  
手老手

一景一情有剛有柔八篇之  
珠其價十五城

碧水青山十五村。東風化出白乾坤。人行空谷雲先  
 碍。鶴立虛舟雪亦溫。夢影依稀春淡沲。神光離合月  
 黃昏。巡檐今夜不知夜。長笛一聲還斷魂。

答人問近況

沙明水碧映階除。日與閑鷗意不疎。他日幽栖君若  
 問。狐王廟畔小樓居。

須磨懷古

一路松青沙白閒。不知何處古時關。水禽呼醒幾宵  
 夢。隔海雲煙是淡山。  
 雙娃晚汲海潮還。月在瓶中影亦圓。誰吊松風村雨



蘇軾詩集卷八

東漸曰古吊情隱然自見

黃鶴曰白了一字警動

黃鶴曰白了一字警動

迹沙明水碧幾千年。  
繁華無迹接低檐。煙罩古村濃淡兼。留得當年宮樣在。猶看戶戶下湘簾。  
第三句一作宮跡不和何處是  
 壽永乾坤戎馬閒。九郎武烈震天關。不知鐵柺當年險。只見尋常一樣山。  
 從自遷都危帝基。闔門流臭海西陲。可憐年少一公子。獨駐芳名三尺碑。  
 須磨寺畔酒旗風。回首滄桑感不窮。欲問源興平蹶迹。梅花白了古林叢。  
 憶昔東軍突擊時。依然鐵柺一峯欹。公孫回馬知何

黃鶴曰以現今作八篇結束作法太佳

苦園曰不用意作真率可喜

苦園曰柳翁餘韻

處。獨有古松傳口碑。  
溪間一老松俗號扇松傳云熊谷直實以軍扉應敦盛之處  
 絕海樓船怒浪颺。當時赤族太倉皇。如今折戟消磨盡。只看商帆送夕陽。

探梅

立春三日後。驛使信先傳。双屐別峯雪。一旗疎柳烟。  
 瘦詩追鳥佛。小飲學坡仙。欲去又難去。初梅香動邊。  
 須磨曉望  
 雲波千里渺茫閒。一道風帆幾往還。朝霧低迷連赤浦。望中失却淡洲山。  
 木蘇岐山見卜居詩索和次韻以呈



大名之下久居難。出越山來詩國寬。矧復一竿風月好。滄江宛作五湖看。

廿年重住浪華城。日日嘉賓拂榻迎。最是詩壇執牛耳。寒燈社酒結新盟。

挖雅知他混沌開。驚看咳唾玉成堆。自今都下不寥寂。萬里春隨名士來。

醉吟坐月幾黃昏。梅處舊題香影存。領得清華籠鶴地。隔籬花木橐駝園。

寄懷橋下海關在明石。太倉島嶼今世詩前驅。馬山曾訂犬鷄盟。高逸思君笑傲情。花月三生增酒。

松窗曰首首別開生面不見次韻痕迹

南岳曰小傳

債。江。湖。半。世。博。詩。名。歌。仙。廟。畔。琴。書。靜。舞。妓。濱。西。水。木。清。紙。價。洛。陽。從。此。貴。一。篇。新。著。答。昇。平。

須磨閑居雜詠

功名富貴共堪忘。詩酒消寒在海莊。夢裡家鄉千里近。醉邊日月百年長。山留春雪色逾碧。鳥啄梅花聲亦香。別有晚來清快事。素娥迎我上東廂。

海天風物几前供。蚤起倚窻茶味濃。千里友於詩上會。九泉人在夢中逢。古關殘月傳寒柝。遠寺層雲隔晚鐘。笑我暮年無定住。雲山煙水寄游蹤。

春風楊柳綠依依。身世何妨與俗違。煙水寰區吟客

東漸曰實情所係非徒作也

黃鶴曰情景兼至一字不苟



苦園曰須磨之妙結在一句  
健羨健羨

檜谷曰人與境相遇成此佳  
聯他人做不得

絕。漁樵村落故人稀。晴沙拾貝潮沾屐。寒谷探梅雪  
滿衣。魚介新鮮宜晚酌。小舟收網後先歸。

踈慵久不曳枯藤。亞字欄干儘耐憑。吟處風姿瘦如  
鶴。老餘心事冷於僧。數聲柔櫓舟歸浦。一局殘碁客  
喚燈。節近清明寒稍減。果知游意自茲增。

三笠山采薇 課題

三笠山頭細徑斜。烟籠芳艸艷於花。吾曹非踏夷齊  
迹。也伴兒童摘蕨芽。吾曹非一作他呼

木青疋雲來示周甲自述詩索和以賀  
閑業幾年期發蒙。世閒未許老蒿蓬。梅花題詠推高

南岳曰蓮月二字最佳

啓。團扇風流畫放翁。綽約姿如蓮出水。清涼心似月  
當空。休言多病才情減。原作有才情日減況多病之句健筆凌雲今昔  
同。

不學張顛又米顛。種花常占得春先。松風水月心歸  
佛。鶴態雲情骨欲仙。吳融雲情鶴態莫誇  
慵正上仙樓十二重壽算須期三

萬日。詩墳曾瘞幾千篇。知君自此多餘樂。恰遇昇平  
鼓腹年。

舟下嵐峽 課題

香雲淡抹夕陽山。兩岸春風俯仰閒。一片花飛未臻  
地。輕舟已下幾灣灣。

黃鶴曰輕妙

昔園曰輕妙可誦

春曉

東風吹老幾山河。奈此仙鄉曙色何。淺夢重簾人未起。鳥聲和雨落花多。

次韻秋庭霞舟春日村居詩

遲暮性情仙佛兼。吟邊忘了二毛添。低肩媚世吾何敢。強笑對人猶且嫌。啼鳥落花春寂莫。暮烟新樹雨廉纖。知君老况畧相似。文雅優游歲月淹。

殘春病醒

雨過紅瘦綠肥村。謝客蕭然晝掩門。罵去英雄夢先醒。弄來花月罪空存。机邊難了新詩債。衣上空留舊

南岳曰下半最妙

酒痕萬斛愁中春欲盡。杜鵑一叫又黃昏。

餞春席上分韻

暮景無由倩魯戈。偏驚時節近清和。歲時記四月朔為清和節韶華一瞥愁邊盡。詩酒三春夢裡過。水北水南新樹暗。昨風今雨落花多。半宵餞別又傷別。杜宇聲聲奈恨何。

舟中驚夏課題

舟過鎮西肥筑閒。篷窗認得幾青灣。忽驚夢裡三春盡。一叫新鵑度夏山。夏一作晚

晚步舞妓濱二首

曾遊在夢未刪痕。景物依然眼底存。沙白松青煙水



南岳曰警聯

黃鶴曰類聯新奇妥貼前人未道

黃鶴曰絕妙

路。棹。歌。漁。唱。夕。陽。村。新。王。宮。有栖川宮別宮 聳。雲。來。去。古。砲。臺。所築安房 荒。浪。吐。吞。俯。仰。何。堪。今。昔。感。滿。灣。草。木。又。黃。昏。又黃昏一作亦沾恩○眼底存一作龜負坤

一。道。征。帆。送。夕。陽。吟。筇。步。步。轉。風。光。石。磯。潮。退。石。華。白。松。徑。雨。晴。松。露。香。海。峽。東。西。南。北。坼。煙。波。三。十。六。灣。長。欲。將。佳。句。酬。佳。景。無。復。珠。璣。滿。錦。囊。

晚步口占

遲。日。閑。人。也。苦。閑。出。門。一。笑。足。開。顏。優。遊。豈。在。江。湖。外。嘯。傲。不。離。泉。石。閒。芳。草。歸。牛。春。水。渡。落。花。啼。鳥。夕。陽。山。尋。詩。緩。步。多。餘。興。自。擬。黃。昏。踏。月。還。

雜感六首

黃鶴曰第二句一篇骨子下則半讀書之功  
南岳曰自陶謝來  
梅崖曰安天分一篇骨子橋本海關曰落句妙甚  
土居香國曰高古老蒼筆力整鍊能敘身分自見其高子人可憐陶潛田園數首  
梅崖曰起手二句主論亦從聖賢古書得來  
南岳曰晚食當肉徐步當車  
海關曰宛然白少傳  
梅崖曰先生一世扁倉功成名遂山林托躅花月持權何清福加之  
海關曰亦是逍逸結以坡語

少。小。辭。故。國。讀。書。服。勤。劬。已。長。無。所。得。蠢。蠢。唯。守。愚。人。誰。無。窮。達。草。木。亦。榮。枯。祗。當。安。天。分。幸。然。世。累。無。不。省。身。後。事。悠。悠。老。江。湖。安。分。在。知。足。知。足。即。清。福。青。山。布。衣。尊。草。廬。亦。華。屋。風。月。舒。情。懷。花。鳥。怡。耳。目。乳。茶。又。蔬。羹。可。以。當。美。肉。且。喜。逢。聖。賢。古。書。夜。深。讀。故。人。皆。榮。達。金。紫。一。燦。然。憐。此。襤。褸。子。功。名。見。如。煙。山。林。托。高。躅。花。月。持。閑。權。浩。歌。聊。忘。老。死。生。元。歸。天。曲。肱。林。下。夢。一。躍。作。飛。仙。



梅崖曰七八至言至理僕亦持以為家法

海關曰結名言不磨

梅崖曰大成之法長生之術真如斯言千古不磨

周峯曰六首老煉古淡冲懷謙虛筆致警策興趣所赴平生抱負溢于楮墨之間

黃鶴曰首首皆冲澹和夷非老於世事達于人情者不能幽玄之理輕輕著筆老手老手

梅崖曰真可發長喙日夕思到此不禁涕淚霑襟

南岳曰粉態假裝畢竟可厭耳古樸真箇詩家奧義

海關曰百怪二字括盡時弊妙


死時無復隨。千金何須積。餘年已無多。寸陰祗應惜。  
 老去耽吟哦。烟霞且作癖。居靜知辟炎。弄巧悟無益。  
 亦是養生方。日著登山屐。丹誠以處世。何事不大成。  
 淡泊以養性。何人不長生。吾元慣貧賤。未嘗願虛榮。  
 天資喜恬澹。卉服且藜羹。百齡不復疑。笑看雲鶴橫。  
 古道將墜地。風規日頽敗。扶持有何人。回首發長喙。  
 滔滔名利徒。多望權門拜。玉食而錦衣。豪奢以為快。  
 咄咄天地閒。何如此百怪。

次韻秋庭霞舟四首 錄一

平地誰道波浪高。浮生難免遇風饕。升沉休說百年事。吾亦人閒一桔槔。







Kitasato Memorial Medical Library